

۳ جمادی الاول ۱۳۳۱

پنجشنبه

۲۸ مارت ۱۳۲۹

نومرو ۲۰ — ۲۴

نسخه سی ۲۰ پاره در



امور اداره و تحریر و اعلانات و ساثره ایچون مدیر
مسئوله سراجت ایدملیدر .

ایونه سی بر سنه لك اعتبارله ممالك عثمانیه ایچون
اون بش و ممالك اجنبیه ایچون ۲۰ فروشدر .

عرفای امتك مقالات منصوفانه لرینه جریده
صوفیه تك حیفه لری آچیقدر .

عمل اداره باب عالی جوارنده ابوالسمود جاده سنده
نجم استقبال مطبعه سی

شمديك اون بش كونده بر نشر اولنور

تصوفی ، دینی ، اخلاقی ، سیاسی جریده اسلامیه در

صوکره مداومی بواندقاری اوراد و اذکار ختامپذیر اولنجه همان او برره کرامه ریاست ایدن مرشد کامل ، مجرد جماعت حاضر به طریق ساوک و هدایتی بیلدیرمک اوزره منبر خطابه چیقارق بسمله شریفه بی تلاوتله خطبه آتیه بی قرائته باشلادی .

الحمد لله الذي عجز الم عرف عن بيان حقيقته بلسان البشرية المتصف بالاحدية المطلقة التي هي مبدأ كثرة الاسماء الصفاية فهو واحد بالوحدة الحقيقية الذاتية ووجد في عالمه الازلي جميع الاعيان الثابتة بصورة العلمية فهو عليهم بعلمه لذاتي بجميع مافي العوالم الملكية وبمقتضى حكمته رجع وجود الاعيان على عدمها فهو مرید بالارادة الازليه واستوى علمه الازلي على جميع الماهيات فهو قدیر بالقدرة القاهرة الازلية الابدیه وشهد الاعيان الممكنة في علمه الحضورى قبل وجودها بالوجود الخارجى فهو بصير بما في العوالم الكونية واطلع على منمسانها فقبل ماشاء منها فهو سمیع بسمع مغار لسمع لبشریه .

بتون حمد و ستایش اراول ذات اجل واعلايه انحصار ایتشدرکه کته و حقیقتنی لسان بشری ایلله تعریف ایتک انستیندر بتون عاجز قالمش و کندولری ده کثرت الاسماء والصفاتک مبدئ اولان احديث مطلقه [۱] ایلله اراولاً ایتصاف بیورمشلردر .

بناءً عليه او ذات محترم صفات علیه لرنده ده اصلا مشارکی بولنیه رقی وحدت حقیقه ذاتیه ایلله واحد [۲] در و جمیع اعیان ثابت [۳] بی علم ازلیسند صورت علمیه سیله بولهرق عوالم ملکیه [۴] ده کی [۱] بیلنیلدر سرات مکوانده ، سرات نزلانده نورینک نعبانی ، ظهورینک تنوعانی اعتباریه مطلوب الادراک اولان « حقیقت الهیه » اکر عدم اعتبارات شرطیه مأخوذ اولورسه صوفیه اصطلاحنده اوکا جمیع اسماء و صفات کندینسند مستهلک اولان « مرتبه احدیت » و جمیع الجمع « و حقیقة الحقائق » و « عماء ناملری و بریلرورکه بو ، کثرت نسبیه وجودیه یک احدیت ذاتیه انقطاع واستهلاک مقامی در . اکر ثبوت اعتبارات غیر متناهییه شرطیه مأخوذ اولورسه اوده عندلرند « مرتبه واحدیت » و « مقام الجمع » ناملریله مشهور و متعارف اولان « مرتبه الهیه » در . و اما بوصورنده ده کثرت وجودیه متنی ایتسه ده کثرت نسبیه متعلق التحق در .

حاصلی . احدیت کثرت نسبیه وجودیه یک احدیت ذاتیه بالکلیه مستهلک اولاسی اوزره جمیع انحاء تعددن - عددی و ترکیبی و تحلیلی اولسون - خالی اولان بساطت صرفه دن عبارتدر . واحدیت ایتسه تعدد عددیک انتفاضدن عبارتدرکه بوصورنده کثرت عینیه متنی اولدینی حالده کثرت نسبیه تحق حسیله متعلق اولماز دکلدر . حقیقت الهیه « اکر لا بشرطی ، لا بشرط لا بشرط نی اخذ اولنورسه اوده جمیع موجودانه ساری اولان « هوبت مطلقه » در .

[۲] واحد « صفاتده اصلا مشارکی اولیان احد » ذاتده هیچ ترکیب بولنیا در .

[۳] اعیان ثابت « ممکناتک علم الهیه کی حقایقیدرکه اسماء الهیه یک حضرت علیه ده کی صورتندن عبارتدر .

[۴] عوالمک مفردی اولان عالم ، واجب الوجودک غیری اولان

غیره محتاجدرکه اوغیر او وجودک موجوددرده وجودی دکلدر . بویه اولان ممکنه نه دیرسکز ، دیرسه ! ..

موجودیتده غیره محتاج ، وجودده استفاده بی غیردن اخذ ، ایدن وجود ، وجود ممکندر . ایستر ایتک اوغیره ممکن یاخود موجود دیرسک ! .

هر نه زمان بر شی برشی دیگر کی کویستمک ایچون ظاهر اولورسه مظهرک غیری اولقله برابر ظاهر باشقه مظهر ایتسه یته باشقدر .

مظهرینده شبح و صورت ذات اولدینی کی حقیقتده دکلدر . وجود حق بوندن مستثنادر . هتقی مطلق هر زرده ظاهر اولورسه مظهرک عینیدر چونکه کافه مظاهر ذات سنییه سیله ظاهر اولمشدر .

مثنویخوان

عبدالمجید

حقیقت عقایبه منافی دکلدر جمله سی یازیله حق ایکن سومرتب اولورق حقیقت عقایبه منافیدر یازقله تصحیح ایدیاور .

مقامه صوفیه

وینما کنت اصبح مساجدها و امسى معابدها رأیت فی زاویه مخروبة آخر یوم عسوبة جماعة من اهل الحال مزوينة عن القیل والقال مخلفین متوکئین فی القعود سیاهم فی وجوههم من اثر السجود مطرقاً کل برأسه متفکراً متصعداً بانفاسه . فعرفت انهم جماعة صوفیه لهم نسبة الى طریقه علیه فبرکت وراثهم انتظر ماورائهم فمندی ختام الاوراد والاذکار قام رئیس هؤلاء الابرار خطباً فی الجماعة راقياً منبر الخطابة معلماً طریق السالوک والهدایة قائلاً بسم الله الرحمن الرحیم

بن مملکتک مساجد و معابدی صباح آقشام طولاشیرکن ناکاه بر جمه کونی آقشام اوزری ایدی که ، خرابه یوز طوموش بر زاویه ده اهل حالدن بر جماعت کوردن قیل و قالی ترک ایدرک کوشه وحدته چکلمش و بر حال وقورانه ده اوطورارق حلقه طوموشلر ایدی . علامت فارقلری ده ، یوزلرنده جناب الله قارش ایتکده بولندقلری سجده لک مشهور اولان آثارندن عبارت ایدی . اولردن هر بری باشنی اوکنه اکش ویاکنز اترحات اولقی اوزره آراصراف نفس آلوب چیقارارق متفکرانه بر حالده بولنشیدی . بو جهنله مشارالیه مک طرق علیه دن برسته منتسب جماعت صوفیه دن اولدینی بالتیقن حالات معنویه مرشدانه لرندن اخذ فیض ایتک امیدیه پاک نهاد قدسیانک صف نعلنده اوطوردم .

ایچلرندن احکام جلیله الہیہ تبلیغہ مأمور اولهرق عون حقہ
ایستناداً کروہ ضالہی بولہ کتیرمکہ ساعی اولان انبیای عظام
علیہم الصلوۃ والسلام حضراتی ، مسلککارندہ ثبات و متانتارنی
محافظہ ابدوب اهل کفرک بو حقارات متوالیہ سنہ هیچ اہمیت
ورمکسزین بو بادیہ معروض قالدقاری مشکلاتک ازالہ سنہ -
کندی صبر و شہرتی سایہ سنہ - عنایت ربانیہک تجلیسیلہ موفق
اولمشار ، بو وسیلہ ایلہذہ آنلری اقتناع و ارشادہ چالیشهرق حق
نظرندہ درجات عالیہ بہ مظهر اولمشاردر ،

معلومدرکہ ، « نورک قدر و قیمتی ظلمتک موجودیتیلہدر »
قضیہ مقتضایہا - سندن اکلاشلدینی اوزرہ ایلرک تعالیسی کوتورک
موجودیتسندن ایلرک کش اولماسندن ہر ایکی طرفک احوال
منویہ سنہ کی تضاد ، انسانلر بینندہ کی حس اخوت و اتحادک
بوزولماسنہ بادی اولمش ، کرچہ ایلرک قسم اعظمی کوتورلی ،
فناقلرندن واز کچیرمکہ چوق چالیشمشلرایسہدہ اکثریت اعتباریلہ
شو مساعی خیرہ - عکس تأثیر حاصل ایتمسی اجلدن - مشر
اولہ نامش و بو یوزدن بینلرندہ تمرکز ایدن کین و خصومت ،
عرق و ملیت ، دین و وسائل سائرہ دن ناشی کسب شدت ایدہرک
وقت نازہ حربک اشتعالنہ سببت ویرمش ، عشق وطن
حسی ، دین و ملیتی وقایہ عزیمیلہ هیچ برامل دنیویہ بہ مستند
اولقمسزین - فی سبیل اللہ - میدان جہادہ قوشان شجعمان اسلا -
میہنک علو ہمت ، صبر و متانتلرینہ نظر ایتملی کہ ، اولاد و عیال
و اقاربندن جدا دوشوب ہر درلو لذائذ حیاتیہی آیاقلر آلتنہ
آلدینی حالہ کسندن اقوی بر دشمن بدخواہہ کمال شجاعتلہ
کوکس کرہرک حربہ کیریشمی و بوبلہجہ چارپشوب کافہ مشاق
حربہ بہ تحمل ایدہرک یانہایت مرتبہ شہادتہ نانلبت و یاخود غازیکی
احراز ایلمہسی کی فضائل عالیہ بہ مظهریتلری نہ درجہدہ خصائل
حمیدہ اصحابندن اولدقاری کوسترمشلردر .

ازجہلہ : وقت سعادت پیغمبریدہ احد غزاسنہ کی جیوش
اسلامیہنک ایلک مظفریتلریلہ - صوکرمدن معروض قالدقاری
پیشانیہک بڑہ بردرس انتہا ویرہ چکنہ شہیدوقدرہ ہدایت جہریدہ
مشرکین عربک منہزمآ رجعتنی متعاقب فخر کائنات افندمر
حضرتلری طرفدن زمین ایدیلن بر نقطہدہ غزات اسلامیہدن بر
بلوک مقدارندہ کی قوتک موقعلرندن آیرلقسزین اطرافنی ترصد
ایتملری تنبیہ ایدلیدی حالہ آرادن چوق کچمہدن خلاف تنبیہ
- مشرکینک میدان معرکہدہ بر اقدقاری مال غنیمتدن حصہدار
اولقی املیلہ - داغیلہلری ، منہزم دشمنک فرستدن بالاستفادہ
یکیدن طویلا نوب بر ہجوم آئیدہ بولملرینی ایلتاج ایلش و شو -
حال جیوش و وحدینک بردن برہ شاشیرہرق پریشانیسنہ سببت
ویرمش و حتی اوصرہدہ عمہی حضرت حمزہ رضی اللہ عنہ کی نامدار

اشیانک کافہسنہ علم ازلیسیلہ علیمدر . واعیان حاضرہنک مجرد
حکمت علیہالہیلری مقتضاسندن اولقی اوزرہ وجودنی عدہنہ
ترجیح بیورارق ارادہ ازلیسیلہ مریددر . علم ازلیای جمیع
ماہیات اوزرینہ غالب اولغہ ازلا ابدآ قدرت قاهرہ ایلہ قدردر .
اعیان ممکنہ دہا وجود خارجی ایلہ موجود اولزدن اول ذات
افدس الہیلرینک علم حضوریلرندہ [۱] حاضر اولدینندن عوالم
کونیہدہ کی [۲] اشیانک ہیسنی بصیردر . و عوالم مکونانک کاملاً
ملتئم و دعالرینہ واقف و مدافع اولغہ - سمیعدر . فقط سمع
عالیلری بشردہ کی قوتہ سامعہ بہ بالکلیہ مغایردر .

مابعدی وار کمال الدین خرپوطی

« صبر حقندہ »

(من صبر ظفر ، من لا صبر لا ایمان لہ)

بوجہان نبیقا ، نیجہ انبیاء اولیا و صلحای امتک محتکامہ فتاسی
اولمش ، ہر برلری عندہ کندی مرتبہ کالترینہ کورہ نا اہل
کروہ ضالہنک تجا و زلرینہ معروض قالدقاری آنلردن یک چوق
شوم غلیظہ و انواع اذا و جفا کورمشار ، حتی بر قسمی دہ بو
اوغورده حق بولنہ قربان کیتمشلردر .

زاهدک بر پارماغن کسہک دوزر حقندن قاپار
کور بو مسکین عاشقی سربا صوبارلر آغلاماز

سید نسیمی

چونکہ : (الضدّان لا یجتمعا) و (الاشیاء تنکشف باضدادها)
فحوای منیقلری وجہلہ ہیئت مجموعہ کائناتہ مرئی اولان ضدیت
احوال انہانارک حالات معنویہ سیلہدہ قابل تطبیق اولوب بو یوزدن
ہر زمان اہل ضلالت ، اہل ہدایتی چکہ مکسزین آنلری دائماً
ازمکہ قیام ایلہ تزییف واسنہزا کی انواع تحقیراندہ بولنمشلردر .
لکن ، اصحاب ہدایت مزینانہ بو حقارانہ صبر و تحمل ایلہ

ہر بر موجود ممکنندن عبارتدر . جملمتسی دہ اصناف و انواع اعتباریلہدر
موجودات ممکنہنک ہر ایلہ ادراک اولنان و تکیونی مادہ و مدتہ محتاج
اولان فہمہ « عالم الماک » و بصیرت ایلہ ادراک اولنان و تکیونی مادہ
و مدتہ محتاج اولیان فہمہدہ « عالم الماکوت » دنیورکہ تمیز دیکر ایلہ
اولکیسی « عالم الخلق » دینلن « عالم الاجساد و الجسمانیات » ایک تجلیسی دہ
« عالم الاسر » دینلن « عالم الارواح و الروحانیات » در .

[۱] علم حضوری « واجب الوجود و مجرد ، و عقولک عللری
کی عالمک عندنہ معلومک ذاتی حاضر اولان علمدر . مقابل بولنان
« علم حصولی » دہ ساثر موجودک ، متجیزانک ذوی العقولک عللری
کی عالمک عندنہ معلومک صورتی حاصل اولان علمدر .

[۲] « عوالم کونیہ » ذکر اولنہان « عالم الماک » ک ادنی اولان
فہمندن عبارتدرکہ بوکا عالم کون و فساد « دنیویکی کی « عالم سفلی »
و « عالم عنامرہ » و « عالم دنیا » دخی دنیور .